



# ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

**WESTERN PRELACY**

OF THE ARMENIAN APOSTOLIC CHURCH OF AMERICA

**H.E. ARCHBISHOP MOUSHEGH MARDIROSSIAN, PRELATE**

Tel: 818-248-7737/8, Fax: 818-248-7745

E-mail: [Prelacy@aol.com](mailto:Prelacy@aol.com) Website: [www.westernprelacy.org](http://www.westernprelacy.org)



## ԱՌԱՋՆՈՐԴ ՍՐԲԱԶԱՆՆ ՈՒ ԱԶԳ. ՎԱՐՉՈՒԹԻՒՆԸ ՀԱՆԴԻՊՈՒՄ ՈՒՆԵՑԱՆ ԹԵՄԻՍ ԱԶԳ. ՎԱՐԺԱՐԱՆՆԵՐՈՒ ԽՆԱՄԱԿԱԼ ՄԱՐՄԻՆԻՆ ՀԵՏ

Ընդառաջելով Թեմիս Ազգային Վարչութեան հրաւերին, Ազգ. Վարժարաններու Խնամակալ Մարմինի անդամները, գլխավորութեամբ Մարմինի ատենապետ Տիար Մարք Կետիկեանի, Երեքշաբթի, 3 Փետրուարի երեկոյեան Ազգային Առաջնորդարան այցելեցին եւ խորհրդակցական մտերմիկ հանդիպում մը ունեցան Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի ու Ազգային Վարչութեան հետ: Խորհրդակցութեան հիմնական նիւթերն էին Ազգային Վարժարաններու սերնդակերտ աշխատանքը, կրօնական ու հայեցի դաստիարակութեան համար ի գործ դրուող ճիգերն ու անմիջական ու ապագայի ծրագիրներ:

Առաջնորդ Սրբազանն ու Ազգ. Վարչութեան ատենապետը՝ Դոկտ. Կարօ Յակոբեան ողջունեցին Խնամակալ Մարմինի անդամները, նշելով, որ այս հանդիպումները առիթ են հարցերու փոխադարձ ծանօթացման ու գործակցութեան սերտացման: Զննարկուեցան Թեմիս մէջ նոր երկրորդական վարժարանի մը հաստատման նպատակով տարուող աշխատանքները, ապա նաեւ Ազգային Վարժարաններու կրթական, տնտեսական, կազմակերպական եւ սերնդակերտումի գործի դաշտերը: Խնամակալ Մարմինի անդամները ըստ բաւականին մանրամասն զեկուցումներ տուին յիշեալ կալուածներուն մէջ տարուող աշխատանքներուն ու մշակուող ծրագիրներուն մասին, որոնք եթէ անմիջականօրէն կը նպատակադրեն հեզասահ ընթացքի մէջ պահել կրթական գործը, նկատի ունին նաեւ ապագայի հեռանկարները, նորահաս սերունդներուն աճող կարիքներուն հասնելու եւ կրթական համակարգը արդիականացնելու, ժամանակին հետ քայլ պահելու խնդիրները:

Սօտաւորապէս մէկ ու կէս ժամ տեւած հանդիպումի աւարտին, Առաջնորդ Սրբազանն ու Ազգ. Վարչութեան անդամներ գնահատանքով արտայայտուեցան Խնամակալ Մարմինին աշխատանքներուն ու ընդհանրապէս Ազգ. Վարժարաններու յարկին տակ ծառայողներու նուիրումին մասին, մասնաւորաբար վեր առնելով Խնամակալ Մարմինին արհեստավարժական մօտեցումը՝ մեր կրթական օճախներու յանձանձումին ու անոնց բարելաման ճիգին մէջ:

Հրաժեշտի պահուն, Առաջնորդ Սրբազանը Խնամակալ Մարմինի անդամներուն յանձնեց յուշանուէրներ:

## **PRELATE AND EXECUTIVE COUNCIL MEET WITH BOARD OF REGENTS**

Upon the invitation of the Executive Council, on the evening of Tuesday, February 3<sup>rd</sup>, members of the Board of Regents of Prelacy Schools, headed by Chair Mr. Mark Gedikian, visited the Prelacy to meet with H.E. Archbishop Moushegh Mardirossian, Prelate, and Executive Council members.

The Prelate and Council members welcomed the guests, noting that such meetings are valuable as they allow for the exchange of important information and discussion on matters of mutual concern. Among the items discussed was the work undertaken for the establishment of a new high school as well as a general discussion on educational, financial, and administrative matters. The Board of Regents members spoke in detail on the work that is carried out in the aforementioned realms as well as on forthcoming projects regarding advancements in the education system to keep abreast of the changing times.

At the conclusion of the meeting the Prelate and Council members commended the members and all those serving in our schools for their devotion to the education of our youth and presented them with mementos.